



5

5

5



原件短缺

元文類卷第二

樂章

郊祀樂章

皇帝入中壇

出入小次黃鍾宮

赫赫有臨洋洋在上克配皇祖於穆來饗肇此大  
裡乾文弘朗被袞園丘巍巍玄象

皇帝盥洗

黃鍾宮

翼翼孝思明德洽禮功格玄穹有光帝始著我精  
誠潔茲薦洗弊玉攸奠永集嘉祉

皇帝升壇降同

大呂宮



天行惟健盛德御天日月龍章篋簷宮縣藁藪尚  
明禮璧蒼園神之格思香升燔煙

迎神

園鍾宮 六變

烝哉皇元丕承帝眷報本貴誠于郊殷薦藁藪載  
陳雲門六變神之格思來處來燕

初獻盥洗

黃鍾宮

隆成之曲

肇禋南郊百神受職齋戒惟先匪馨于稷迺沃迺  
盥祠壇是陟上帝監觀其儀不忒

初獻升壇降同

大呂宮

於穆園壇陽郊奠位孔惠孔時吉蠲為膳降登祇

若百禮既至願言君歆允集熙事

正

奠玉幣

黃鍾宮

欽成之曲

謂天盖高至誠則格克祀克禋駿奔百辟制幣斯  
陳植以蒼璧神其降康俾我多益

司徒捧俎

黃鍾宮

寧成之曲

我牲既潔我俎斯實笙鏞克諧籩豆有飴神來宴  
娛歆茲明德永錫繁禧如幾如式

昊天上帝位酌獻

黃鍾宮

明成之曲

於昭昊天臨下有赫陶匏薦誠馨聞在德酌言獻  
之上靈是格降福孔皆時萬時億

皇地祇位酌獻

大吕宫

至哉坤元與天同德  
函育群生玄功莫測  
合饗園壇舊典時式  
申錫無疆聿寧皇國

太祖皇帝位酌獻

黃鍾宮

禮大報本郊定天位  
皇皇神祖反始克酌  
至德難名玄功宏濟  
帝典式敷率育攸暨

皇帝飲福酒

大吕宫

特牲享誠備物循質  
上帝居歆百神受職  
皇武昭宣孝祀芬苾  
萬福攸同下民陰

皇帝出入小次

黃鍾宮

惟天為大惟帝饗帝  
以配祖考肅質靈祉  
定極崇功永我昭事  
升中于天象畢至

文舞退武舞進

黃鍾宮

和成之曲

羽籥既跋載揚玉戚  
一弛一張匪舒匪棘  
八音克諧萬舞有奕  
求觀厥純嘏是錫

亞終獻

黃鍾宮

有嚴郊禋恭陳幣玉  
大禋是承載祇載肅  
上帝居歆馨香既飶  
惠我無疆介以景福

徹籩豆

大吕宫

三獻攸終六樂斯徧  
既右饗之徹其有踐  
洋洋在

上默默靈眷明裡告成於皇錫羨

送神

圜鍾宮

天成之曲

神之來歆如在左右神保聿歸靈存先後恢恢上  
圜無聲無臭日監孔昭思皇多祐

望燎位

黃鍾宮

熙事備成禮文郁郁紫煙聿升靈光下燭神人樂  
康求膺戩穀祚我不平景命僕

皇帝出中壇

黃鍾宮

泰壇承光寥廓玄曖暢我揚明饗儀惟大九服敬  
管聲教無外皇拜天祐照臨斯屆

太廟樂章

皇帝入門

無射宮

順成之曲

熙熙雍雍六合大同維皇有造典禮會通金奏王  
夏祗歆神宮感格如響嘉氣來叢

皇帝盥洗

無射宮

順成之曲

天德維何如水之清維水內曜配彼天明以滌以  
濯犧象光晶孝思維則式薦忱誠

皇帝升殿降同

夾鍾宮

順成之曲

皇明燭幽泂時制作宗廟之威降登時若趨以采  
茨聲容有恪曰藝曰文監茲術樂

皇帝入小次 出同

無射宮

昌寧之曲

於皇神宮象天清明肅肅來止相維公卿威儀孔彰君子攸寧神之体之緩我思成

迎神 九成

黃鍾宮

思成之曲

齊明盛服冀冀靈眷禮備多儀樂成九變烝烝孝心若聞且見貯蠶端臨來寧來燕

初獻盥洗

無射宮

肅寧之曲

酌彼行潦維挹其清潔齊以祀祀事昭明肅肅辟公沃盥乃升神之至止歆于克誠

初獻升殿降同

夾鍾宮

肅寧之曲

祀事有嚴太宮有恤陟降靡遠禮容翼翼遵豆流陳鍾磬翕繹於昭吉蠲神保是格

司徒捧俎

無射宮

嘉成之曲

色純體全三犧五牲鑿刀屢奏毛魚載羨神具饜飫聽我磬聲居歆有求胡考之寧

太祖法天啓運聖武皇帝第一室

開成之曲

天扶昌運混一中華爰有真人奮起龍沙際天開宇亘海為家肇脩禋祀萬世無涯

睿宗仁聖景襄皇帝第二室

武成之曲

神祖創業爰著成衣聖考撫軍代行天威河南底

定江此來歸貽謀翼子奕葉重輝

世祖聖德神功文武皇帝第三室 混成之曲

於昭皇祖體健乘乾龍飛應運盛德光前神功者

定澤被垓埏貽厥孫謀何千萬年

裕宗文惠明孝皇帝第四室

天啓深仁須世而昌追惟顯考敢後光揚徽儀肇

舉禮備音錙皇靈鑒止降塵無疆

順宗昭聖衍孝皇帝第五室

慶成之曲

龍潛于淵德昭于天承休基命光被絃埏洋洋如

臨籩豆牲牲惟明惟馨皇祚綿延

成宗欽明廣孝皇帝第六室

天開神聖繼世清寧澤深仁溥樂協韶韻宗支嘉

會氣和惟馨繁邇來格永被皇靈

武宗仁惠宣孝皇帝第七室

禧成之曲

紹天鴻業繼世隆平惠孚中國威靖邊庭厥功惟

茂清廟妥靈歆茲明祀福祿來成

仁宗聖文欽孝皇帝第八室

歆成之曲

紹隆前緒運啓文明深仁及物至孝躬行惟皇建

極盛德難名居歆萬祀福祿崇成

明宗翼獻景孝皇帝第九室

永成之曲



倚那皇明古續神威敬天弗違時潛時旅龍旂在  
塗言受率土不遐食臨水錫多嘏

英宗睿聖文孝皇帝第十室

獻成之曲

神聖繼作式是憲章誕興禮樂躬事烝嘗翼翼清  
廟燁有取光于千萬年古仰明良

皇帝飲福酒

穆穆天子禋祀太宮禮成樂備敬徹誠通神胥樂  
只錫之醇醲天子萬古福祿無窮

文舞退武舞進

天生五材孰能去兵恢張鴻業我祖天聲于文爲

盤濯濯厥靈於赫七德展也大成

亞獻

終獻同

無射宮

肅寧之曲

幽通神明所重精禋清宮肅肅百禮具陳九昭克  
諧八佾粦粦靈光昭荅天休日申

徹籩豆

夾鍾宮

豐寧之曲

籩豆芬苾金石鏘鏗禮終三獻樂奏九成有嚴執  
事進徹無聲神保聿歸萬福來寧

送神

黃鍾宮

保成之曲

神主在室神靈在天禮成樂闋神返幽玄降福冥  
冥百順無愆於皇孝思于萬斯年

皇帝出廟庭

無射宮

昌寧之曲

緝熙維清吉蠲致誠上儀具舉明德薦馨已事而  
跋歡通三靈先祖是皇來燕來寧

社稷樂章

降神 二成

林鍾宮

鎮寧之曲

以社以方國有彛典大哉元德基祚綿遠農功萬  
世於焉報本顯相默祐降監壇墀

降神 二成

太簇角

鎮寧之曲

錫民地利厥功甚溥昭代典禮清聲律呂穀旦于  
差洋洋來下相祀有年根本日固

降神 二成

姑洗徵

鎮寧之曲

平厥水土百穀用成長扶景運宜歆德馨五祀為  
大千占舉行感通肝饗登歌鎮寧

降神 二成

南呂羽

鎮寧之曲

幣齊虔脩粢盛告備倉庾坻京繫誰之賜崇壇致  
恭幽光孔邇享于精誠休祥畢至

初獻盥洗

天蕤宮

肅寧之曲

禮備樂陳辰良日吉挹彼罇罍馨香哉黍稷濯漑揭  
虔維巾及晷萬年嚴祀踰踰受職

初獻升壇降同

應鍾宮

肅寧之曲

春祈秋報古今彝章民天是資神靈用彰功崇禋  
嚴入阜時康雍雍為儀燔芬苾香

正配位奠玉幣

太簇宮

億寧之曲

地祇饗德稽古美報幣帛斯陳圭璋式縑載烈載  
燔肴蓋致告雨暘時若丕圖永保

司徒捧俎

太簇宮

豐寧之曲

我稼既同群黎徧德我祀如何牲牲孔碩有翼有  
嚴隨方布色報功求福其儀不忒

正位酌獻

太簇宮

保寧之曲

異世同德於皇聖造降茲嘉祥衛我大寶生乃烝

民休德履盡厥作裸將有相之道

配位酌獻

太簇宮

保寧之曲

以御田祖皇家秩祀有民人馬盍究本姑惟叙惟  
脩誰實介止酒旨且多盛德宜配

亞終獻

太簇宮

咸寧之曲

以引以翼來處來燕豆籩牲牢有楚有踐庸答神  
休身亦錫羨土穀是依成此疇獻

徹豆

應鍾宮

豐寧之曲

文治脩明相成田功功為特殊儀為特隆終如其  
初誠則能通明神毋忘時和歲豐

送神

不屋受陽國所崇敬以興來歲苞秀堅穎雲軒莫  
駐神其諦聽景命有僕與國同求

望瘞位

太族宮

肅寧之曲

雅奏肅寧繁釐降革篚厥玄黃丹誠烜赫肇祀以  
歸瞻言咫尺萬年攸介王承帝德

先農樂章

降神 二成

林鍾宮

鎮寧之曲

民生斯世食為之天恭惟大聖盡心於田仲春劭  
農明祀吉蠲馨香感神用祈豐年

降神 二成

太族角

鎮寧之曲

耕種務農振古如茲爰粒烝庶功德茂岳降嘉奏  
艱國家攸宜所依惟神庸潔明粢

降神 二成

姑洗徵

鎮寧之曲

傲載平疇農功肇敏千耦耕耘同徂際畛田祖丕  
靈為仁至盡豐歲穰穰延洪有引

降神 二成

南呂羽

鎮寧之曲

群黎力耕及寧方春雖時東作篤我農人我黍宜  
華我稷宜新由天降康永賴明神  
初獻盥洗

太族宮

肅寧之曲

洞酌行潦真足為薦奉茲潔清神在乎前分作甘霖沾漑芳甸慎于其初誠意攸見

初獻升壇降同

應鍾宮

肅寧之曲

有椒其馨維多且旨式慎爾儀降登庭止黍稷稻梁民無渴飢神嗜飲食求緩嘉杜

正配位奠玉幣

太簇宮

億寧之曲

奉幣維恭前陳嘉玉聿昭盛儀肅雝純如南畝深耕麻麥禾菽用祈三登膺受多福

司徒捧俎

太簇宮

豐寧之曲

奉牲孔嘉登俎豐備地官駮奔趨進光輝肥碩著

擊歌此誠意有年斯今均被神賜

正位酌獻

太簇宮

保寧之曲

寶壇魏煌神應如響備脂咸有牲體苾芳洋洋如在降格來享秉誠罔怠群生瞻仰

配位酌獻

太簇宮

保寧之曲

酒清斯香牲碩斯大具列觴俎精意先會民命惟食稗莠毋害我倉萬億神明攸介

亞終獻

太簇宮

咸寧之曲

至誠攸感彤蜺潛通百穀嘉種爰降時豐祈年孔夙稼穡為重俯歆醴齊載揚歌頌

徹豆

有來雍雍存誠敢匱廢徹不遲靈神攸嗜孔會孔  
時三農是宜壽萬歲穀成丕乂

送神

林鍾宮

鎮寧之曲

君蒿悽愴萬靈來  
啖靈神具醉聿言旋  
歸歲豐時和風雨應  
期皇圖萬年永膺洪禧

望瘞位

太簇宮

肅寧之曲

禮成文備歆受清祀  
加牲兼幣陳玉如儀  
靈御言旋面陰昭瘞  
集茲嘉祥常致豐歲

釋奠樂章

降神

黃鍾宮

疑安之曲

天縱之聖集厥大成  
立言垂教萬世準程  
廟庭孔磚尊俎既盈  
神之格思景福來并

初獻盥洗

姑洗宮

同安之曲

神既寧止有孚顒若  
壘洗在庭載盥載濯  
匪惟潔修亦新厥德  
對越在茲敬其維則

初獻升階

降同

南呂宮

同安之曲

大哉聖功薄海內外  
禮隆秩宗光垂昭代  
陟降在庭攝齊委琬  
莫不肅顙洋洋如在

奠幣

南呂宮

明安之曲

圭交尊崇佩衿列侑遵豆有楚樂具和奏式陳量  
幣駿奔左右天睠斯文繫神之佑

文宣王位酌獻

南呂宮

成安之曲

惟神監格享于克誠有樂在縣有碩斯牲奉醴以  
告嘉薦惟馨馨緩以多福永底隆平

交國公位酌獻

潛心好學不違如遇周舍行藏乃與聖俱千載景  
行企竚步趨廟食作配祀典弗渝

鄒國公位酌獻

來四之傳學存性命力距揚墨以承三聖遭時之

季孰識其正高風仰止莫不肅敬

亞終獻

姑洗宮

文安之曲

廟成弈弈祀孔時三爵具舉是饗是宜於昭經  
訓示我民彛紀德報功配于兩儀

送神

黃鍾宮

疑安之曲

禮成樂備靈馭其旋濟濟多士不懈益虔文教茲  
首儒風是宣佑我皇家億載萬年

四言詩

致樂堂詩

致樂堂者集賢待制周君之所以奉母者也蜀郡

虞集爲之賦詩曰

翼翼新堂有闔有房人人來居旣安旣舒旣好旣  
寧載燠載清言闔于門以寫我誠有齊其馬有仇  
其軒爲子來者允貴且賢貴容舒遲賢有令儀爾  
因爾宗先君之思翁爾兄弟具于嘉旨我飲我食  
先君之子詩言柔溫禮言著存我撫我惠先君之  
孫樂哉誰氏維周壽毋疇克致茲周南仲子君子  
善頌文則多有又永歌之以導燕喜

萬戶張公廟堂詩

虞集

大德辛丑昭勇大將軍河南征行萬戶鎮通州張

公以其兵從征緬死之通人作廟以祀公三十年  
間朝之公卿大夫士能爲文章者莫不爲之有所  
製作泰定丁卯公子御史亦俾子賦之集以爲征  
緬事始末在朝者君子則知之矣通州僻在江海  
之際其人何自知之況久遠乎且不著夫狂夫首  
禍之故

成宗皇帝聖明卒致其罪則公所以不肯墮其構  
陷必甲冑以死之意亦終不白於通人之將來也  
故稍原其始而道之庶其有考也詩曰

於赫 世皇並用豪傑一定宇內橐橐戈甲旣久



既安 成宗繼之祖功莫加道在守持狂夫與謀  
以動相國曰昔 祖宗咸尚戰克萬方悉來史皆  
前能我獨無名曷稱繼承蠢彼西南翳叢負固聚  
落八百各統文婦人強善驕馬具競豪豢承于牢  
黃金飾槽取而有之富可足用赫乎功多以世智  
勇相臣以聞 天子曰嘻有是言哉汝其試之狂  
謀既售諫言不入既賦軍實弓鉞仍戢餽饟啓行萬  
里騷然飢危蹈毒未戰已捐番番名將 天子瓜士  
鎖于江滸 天子所使狂夫忌之承制驅之詎思國  
謀徒逞厥私將寧慨言死我臣職可陷者身不陷

吾直見制鄙庸豈我乃竟心知無還況異立功與  
其矯誣死彼狂手孰與奮擊不喪吾守 孤旅轉戰  
深入不回殺僂既多身卒死之三軍失聲萬士喪  
氣孰明公心君門萬重裹革東歸遙遙江壖部曲  
候迎悲風旆纏民懷其忠士感其儀虎奮鷹揚如  
見其至卜廟得吉東望際海神來妥之有求無壞  
狂夫辱國 天子震怒立乎狂取立斬以天斧狂罪則  
誅死事奈何廢封哀榮百世不磨豈惟不磨石元  
嗣御史既有兄弟又多孫子奕奕勳門扶扶良  
材天之報忠豈有涯哉

元文類卷第二

元文類卷第三

五言古詩

箕山

元好問

幽林轉陰崖鳥道人跡絕許君棲隱地唯有太古  
雪人間黃屋貴物外祇自潔尚厭一瓢喧重負寧  
所屑降衷均義稟汨利妄智決得隴又望蜀有齊  
安用薛干戈亦幾觸宇宙日流血魯連蹈東海夷  
叔采薇蕨至今陽城山衡華兩丘垤古人不可作  
百念肝肺熱浩歌北風前悠悠送孤月

古意

劉祁

庭前有桂樹綠葉何離披秋風動地起飄落將安  
歸高飛入青雲下飛落汙泥貴賤既偶爾孰為喜  
與悲

秋江有芙蓉顏色好鮮潔褰裳欲采折水深不可  
涉嚴風下飛霜芳艷空凋歇悵望一長嘆臨川無  
桂楫

懷長源

劉祁

涼月夜如水秋風吹紫蘭獨居悵無聊佳人阻河  
山河山邈千里相望何時已雲橫鴈影沈露下蟲  
聲起烽火照中州西南殺氣浮君居劉山下果若

向時不人生有離別但惜知音絕匣內臥青蛇光  
芒射秋月汴水碧參差葉飛空樹枝如何相憶處  
還值暮秋時

送雷伯威

劉祁

朔風起天末落木鳴空山冰霜正凝沍游子百里  
還出郭送將別徘徊上高原如何睽離情對此芳  
歲闌壯士志四方不須涕沈瀾人生非山海會面  
亦不難願子崇明德餘功振文翰長因東南鴻惠  
我金玉言

觀主人植槐

李冶

主人有佳樹移植庭之隅繁柯雖翦去不敢觸根  
株朝漑復夕灌乳井幾成枯諷諷角弓詩古人能  
起予愛樹尚如此愛士當何如

南山有高樹

林景熙

南山有高樹寒鳥夜統之驚秋啼眇眇風撓無寧  
枝託身未得所振羽將逝茲高飛犯霜露低飛觸  
茅茨乾坤豈不容顧影空自疑徘徊向殘月欲隨  
已復支

僊臺

劉因

碣石來海際西南奄全燕中有學僊臺燕平欲升

天燕平骨已朽遺臺猶相傳雖復生青松歲久摧  
為煙極目望海波不見三山巔三山巨鰲簪山人  
蟣蝨然使無不足論信有亦可憐大塊如洪鑪金  
石能久堅天地會有盡何物為神僊空山無笙鶴  
落日下飢鳶今古非一臺浩嘆秋風前

黃金臺

劉因

燕山不改色易水無新聲誰知數尺臺中有萬古  
情區區後世人猶愛黃金名黃金亦何物能為賢  
重輕德輝照九仞鳳鳥纔一鳴伊誰腐鼠棄坐見  
飢鳶爭周道日東漸二老皆西行養民以致賢王

業自此成黃金與山平不救兵縱橫落日下荒臺  
山水有餘清

馮瀛王吟詩臺

劉因

林壑少佳色風雷有清秋為問北山靈吟臺何久  
留時危亦常事人生足良謀不有撥亂功當乘浮  
海舟飄飄扶搖子脫屣雲臺游每聞一朝革尚作  
數日愁朝廷乃自樂山林為誰憂視彼昂昂駒柰  
此沈沈鷗四維既不張三綱遂橫流坐令蚩蚩民  
謂茲聖與儔蚩蚩尚可恕儒臣豈無尤不有歐馬  
華孰能回萬牛太行千里來瀟灑橫中州今朝此

登臨孤懷漲巖幽何當劉壘嶂一洗它山羞

西山

劉因

西山澹無姿中有羲皇前翻思大古人事業何不  
傳三墳亦何罪去遠成灰煙紛紛後來人暮死爭  
朝妍勲名史一策學術文千篇古人豈不然後有  
無窮年惟餘方寸心天地相後先

晨起書事

丁丑五月十八日

劉因

蒼星慧明河三月麗朱方兩月忽散落一月留中  
央下有五星連西近東少張仰面東北隅流星墜  
彩芒誰令月有癭飄搖及吾窻須臾日東生有星

環四旁一星當日中佇視搖晶光自北忽西旋老  
陽已榆桑西北雲一絲翠暈揚清芳嫩雲生碧蘚  
得句聲琅琅俄見雲有魚其大丈許長火繩紛繞  
之昂然欲飛揚呼友與共觀此境已茫茫雲樞夢  
為病周官夢為祥寤言札諸閔痛俟知者詳

種松

劉因

萬牛來丘山大廈高崔嵬當年誰苦心遺此千歲  
材手持百松子與之備傾頽殷勤囑造物為護荒  
山隈今來見毫末喜溢蒼煙堆十年望恨立百年  
排風雷自此千萬年再見明堂開東家十年計戰  
戟千頭栽豈不早有望求此良悠哉

翟節婦詩

劉因

昔金源氏之南遷也河朔土崩天理蕩然人紀為  
之大擾誰復維持之者而易之西山乃有婦人曰  
翟氏年二十餘其夫從軍死於所事出入兵刃往  
復數百里晝伏夜行以其尸歸負土而葬之既葬  
自以早寡無子遭時如此思以義自完乃自決於  
墓側隣里救而復蘇終始一節今八十餘年矣夫  
人心之極有世變之所不能奪者於此亦可以見  
之子聞之為作是詩俾其外孫田磐刻之石或百

世之下有望燕山而歌予詩者使翟之風節凜然  
如在亦庶幾乎吳人河女之章焉

兵塵浩然際烈士難自全婦人無九首志欲不二

天燕山翟氏女既嫁夫防邊一朝聞死事健婦增

慨然生有如此夫早寡非所憐求尸白刃中負土

家山前事去哀益深義盡身可捐無兒欲何為所

依惟黃泉鄉隣救引决烈日丹衷懸誰辨節孝翁

重賦雖陽賢我昨過其鄉山水猶清妍聞風髮如

竹飄蕭動踈煙千年吟詩臺峩峩太寧巔為招馮

太師如我節婦篇

太寧山有馮道吟詩臺距翟居甫數十里

寄蕭徵君惟斗

盧執手

秦中幽勝地迺在終南山磐石負磊磊清泉散潺

潺侃侃古君子車馬不交石間圖史紛坐隅衡門晝

長關種菊餐落英襲芳佩秋蘭道腴德充符怡然

有餘歡鳴鶴時一來似愛孤雲閒孤雲不能飛鳴

鶴遂空還泚泚桃李艷鬱鬱松栢寒義和駛春輝

歲晏霜露繁感物有深傲懷哉邈難攀

姚嗣輝南橙堂

姚燧

彼橙有土性生植惟峨峨欒欒干雲姿才與樗散

隣匠石過不睨煬夫取蒸薪所貴故山樹寧計世

莫珍一別十畝陰清溪俄幾春筆名堂楣上如對  
故鄉親請事小弁詩桑梓亦惟寅盛德古自早木  
惡何關人不見樗里疾智囊終相秦君才負棟柱  
未許溝斷均無以禮自期上孤明堂晨

蔚州元氏怡齋

荀宗道

八元乃八龍窺若瓊樹林難兄復難弟感激恩義  
深室家宛相好如鼓瑟與琴翩翩鴻鴈行鏘鏘鸞  
鳳音二王一品題價重雙南金終當仕虞朝藹然  
列華簪要在風俗淳不異古與今他人有兄弟聚  
散如飛禽閱牆不相聞干戈日相尋尺布斗粟誰

行路為傷心棠棣廢已久角弓義湮沉因書怡齋

詩以為友于箴

蔚州元氏兄弟八人皆秀而文義居無間言故勝其所居之室曰怡

齋詩名公皆有詩西溪秋澗其首倡也

古風

趙孟頫

詩亡春秋作仲尼蓋苦心空言恐難託指事著以  
深大義炳如日萬古仰照臨鳳鳥久不至楚狂乃  
知音愁來不得語起坐彈吾琴

周衰有戰國紛紛極荆榛黃金聘辯士四馬迎從  
人朝為刻骨讎暮作歎血親終然志力屈奉身俱  
入秦



元元文類卷三  
七  
相如賦大人出語頗可怪飄然凌雲意過耳誠一  
快誇言入無際自覺塵俗隘安知翻成勸何用名  
為戒

自有天地來蓬萊幾清淺人生空高首舉世誰得  
見瑤臺在何許渺渺煙波遠方舟不可渡使我空  
展轉

絕代有佳人被服綺與紈蛾眉秀聯娟吐詞馥若  
蘭清歌啓皓齒瑤琴發哀彈一彈再三嘆聽者涕  
洟瀾借問誰家子為言本邯鄲

秋風吹庭樹故葉紛已墜明月耿夜長草蟲促經  
緯四序苦不淹少壯何足貴展轉復展轉寤寐不  
能寐昔為閨中秀今作市門鄙豈無膏與沐甘心  
得憔悴

山深多悲風日暮愁我心玄雲降寒雨松柏自哀  
吟人生百年後奄然閔重陰念此每不樂天路何  
由尋僊人偃佺輩逍遙在音岑柰何不爾思委命  
重黃金

海中有竒樹粲粲珊瑚枝由來植物性無物可推  
移如何石氏子樹之白玉墀洛陽經幾戰金谷久  
荒夷徒令千載下聞者為傷悲

烈風號枯條落葉滿周道原野何蕭索川流亦浩  
浩離苦日以遠懷思令人老功名會有時生世苦  
不早顧瞻靡所騁憂心怒如擣  
浮雲何方來不知竟安之飄飄隨風去汗漫以為  
期自昔功名士往往事驅馳白駒空谷中誰能加  
繫維皎皎難見容翻受世妍蚩虛名誠無益不見  
斗與箕

逸民詩

趙孟頫

驅車秣駑馬吾將適齊國聞有魯連子倜儻好竒  
畫一談秦師走再說聊城拔功成不受賞高舉振

六翮布衣終其身豈復為世役茫茫千載遠安往  
訪遺跡躊躇東海上向風長太息  
四時相代謝榮耀安足恃瓜田引新蔓不見挑與  
李知士解其會遇坎當復止邵生故秦吏乃亦睹  
茲理賢哉感我懷三嘆不能已  
子真初亦仕歲晚乃逃之區區南昌尉上疏忘其  
卑忠言不見用耿耿當告誰飄然棄妻子終身與  
世辭抱關甘貧賤所遺莫我知至今九江濱清風  
激羣黎神仙信茫昧此士獨不疑孤雲無所在逝  
水何時歸遐思一矯首悵望無中期

悠悠空山雲泱泱長江流廊廟竟不屑山澤聊淹  
留故人在天位高步追巢由豈曰子無衣辛苦被  
羊裘東京多節義之子乃其尤窮居雖獨善輔世  
豈不優

汪汪千頃陂不爲人濁清道周言行表蕩然無得  
名誰言牛醫兒乃是人中英當時無間言後世流  
德聲思之不可見使我鄙吝萌淳風久已漓此意  
豈復存時無君子者雖賢寧見稱

南州有高士食力事耕稼優游聊卒歲不矯亦不  
隘大木行欲顛緋纒豈足賴何爲諸老翁栖栖不

皇舍斯其非無見明哲自高遠誰能懸一榻待  
來稅駕

鹿門何亭亭不有避世賢鳳雛隱中林卧龍蟠其  
淵一朝起高翔斯人獨深潛功名不可爲我志久  
已安一聞耆舊傳使我心悠然

黃鵠羽翼長一舉思千里幼安本中原乘桴走東  
海舉世方尚同遠引存吳志高風流異俗敦禮化  
鄰鄙子魚平生友胡乃不相委

塵事非所便田園久見招歸來三徑中蔚蔚長蓬  
蒿雖有荷鋤倦濁酒且陶陶茫茫大化中委運將

焉逃唐虞去已遠由來非一朝  
粲粲霜中菊米采思其勞

有所思

趙孟頫

思與君別來幾見芙蓉花  
盈盈隔秋水蒼在天一涯  
欲涉不可去茫茫足煙霧  
汀州多芳草何以采蘼  
杜青鳥翔雲間錦書何時還  
君心雖匪石祇恐凋朱顏  
朱顏不可再那能不惆悵  
何如雙翡翠飛去蘭茗上

雜詩

趙孟頫

四時更代謝物化常隨之  
春華曾幾何歲月忽如

茲嚴風動高樹百草俱已衰  
人生況有役憂患乃其宜  
棄捐勿復念出入由化機  
安得松喬術邀焉世相違

知非堂夜坐

何中

前池荷葉深微涼坐來爽  
人歸一犬吠月上百蟲響  
余非冷隱淪隙地成偃仰  
林端斗柄斜撫心獨悽愴

擬古次韻

安熙

鬱鬱巖下柏青青水中蒲  
巖前有幽人壯歲常獨居  
獨居亦何為不羨春華敷  
十年掩關卧門庭盡

荒蕪美人殊不來日夕聽軒車

零零白露下巖谷悴芳蘭蘭悴不復辭誰與念時  
艱堅冰行復至雪深路漫漫愁絕將柰何撫几一

長歎

中州有寒士塊然守空堂清貧久有信壯懷殊未  
艾豈不願馳騁冒雪凌風霜振策萬里途超忽追  
鵬翔未念同懷人渺在天一方悵望不可見慷慨  
發清商獨處誰晤語百感摧衷腸人生信難必且  
莫徒悲傷

采柏空巖下倚竹荒庭前人生非金石君心詎能

堅君心或有渝賤妾終不疏天地一瞬息今古一  
長途借問離別苦君心竟焉如不見園中樹日日  
爭華敷秋風一夕至已逐嚴霜枯歲晚不得去山  
空難久居

崑崙一何高出此無窮河遙遙何所往不啻萬里  
多一意在朝東日夕無停波遠游計不早壯志成  
蹉跎夫君不我顧鬱鬱將如何覽物悟物變端居  
閱年華興來展遐眺緩步空山阿四顧渺塵世杉  
柏紛森羅吾樂誠何極憂子獨長嗟眷焉誰晤語  
一笑空煙羅

元文類卷三  
人生有定分所貴能樂天自輕失所守欲進安敢  
前思君重思君此情誰與宣舉頭見明月顧影徒  
自憐終當謝塵世洗心聞澗泉

榆林對月

虞集

日落次榆林東望待月出大星何煜煜芒角在昴  
畢草樹風不起蛩蛸絕啁唧天高露如霜客子衣  
盡白羸驂齧餘棧發婦泣空室行吟毛骨寒坐見  
河漢沒驛人趣晨征瞳瞳曙光發

月出古城東

虞集

月出古城東海氣浮空濛車騎各已息宮闕何處

陸牧馬草上露吹笳沙際風帳中忽聞鴈傳令  
惟弓

寄題周氏水木清華亭

虞集

中流汎蘭柁望彼嘉樹林落日蕩野水浮雲生夕  
陰魚游戀芳藻鳥鳴在幽岑爲樂恐易老吾將脫  
朝簪

趙千里出峽圖

虞集

巨舟臨峽口衆工志如一各以所操濟雖危萬無  
失所憂至平曠玩肆生縱逸母俾持釣翁倚岸三  
太息

出直次韻

虞集

月下白玉階露生黃金井  
疏條栖鵲寒衰蕙流螢  
冷戀闕感時康懷歸覺宵永  
晨鍾禁中來白髮聊  
自整

夜直賦得金鴨燒香

虞集

黃金鑄為鴨焚蘭夕殿中  
窈窕帶斜月逶迤動微  
風綺席列珠樹華燈連玉虹  
無眠待顧問不知清  
夜終

寄題新治亭

虞集

窈窕冶亭暮蕭條江南秋  
汎覽山河外張樂風

丘公子飛翠蓋美人四綵舟  
從茲至黃髮樂哉以  
忘憂

滋溪書堂為蘇伯脩賦

虞集

滋源恒伏流春兩川迺盈林  
疇廣敷潤草木俱繁  
榮臨深見游條仰喬有鳴鴛  
君子樂在斯齋居託  
令名積學抱沈默時至有攸  
行抽簡魯史存采詩  
商頌并禹穴追馬公湘江歌  
屈生紉蘭不盈握伐  
木有餘情浩然欲淨海歸歟  
還灌清方舟我為懺  
白髮愧垂纓

讀伯庸學士止酒詩

貢奎

今晨不可出大風吹我帷陋巷泥濕汝空墻雨淋  
漓研朱課兒書冥思解羣疑敲門童子來袖有止  
酒詩讀之至丹三擊節喜且悲若飲以玄酒揖讓  
陶唐時峩峩古冠裳執彼璋與圭短褐繞掩脛藜  
藿空忘飢風雅久已衰作者微君誰嗟我重景仰  
老大將何爲

泗濱堂爲蓋善長賦

王結

乘槎沂河源崑崙高不極揚舲浮沅湘重華阻靈  
輿興言游汗漫千里一瞬恩靈氛訢言古歲晏果  
何適遄歸泗水濱築堂俯晴碧優游弦誦餘燕坐

儼澄寂川流映天光翔泳咸自得悠悠千載心寥  
寥竟誰識

書上都學宮齋壁

馬祖常

齋居芹宮旁永日少人跡清心慕古躅簡編頗紬  
繹徒自傷迷民位卑力莫及苟祿亦可羞吾將反  
蓬華

節婦王氏

范梈

妾年四三二始識月團圓十二學女工刺繡如鴛  
鸞十九嫁夫家事姑施衿擊夫壻良家兒世籍爲  
王官雖聯朱紫貴不習綺與紈過庭執詩禮開口



若驚湍風儀在一時爭作玉人看天地忽降毒摧  
折青琅玕回首四十春景光若流九貞心守松柏  
芳性軼芝蘭落月簾帷曙西風機杼寒沉思往昔  
事淚下紅闌干豪客至茅屋舉家竄林巒入房衛  
病姑身犯白刃攢相向義憐釋視死色無難親知  
爲嘆息保社爲辛酸欲與上州府爲妾旌門闌妾  
寔無所願所願在所安婦人往從人阿母涕沱瀾  
送行遺之語敬順無違歡匹偶固有時寧知憂患  
端辛苦蹈物變豈羨身獨完殷勤謝舊舊故聞者摧  
肺肝

范墳詩

李木魯翀

宋蜀郡開國公范鎮景仁謚忠文其一世盛德偉  
烈光著史籍人固知之其葬在襄城汝安鄉推賢  
里載東坡集中甚詳襄城故隸汝州翀來訪問故  
老其墳儼然故在已爲野夫豪農耕爲禾黍之區  
矣范氏當金季猶有居墳左者自經兵燹不知所  
存村事嘆閔故爲作詩以紀其槩幸在官君子知  
其爲先賢遺壠庶有以處之

忠文峩眉英始也跡甚微堂堂薛簡肅夔隼西南  
飛其人古廉守肯持藟醬歸所得一偉人天下大

布衣引以賓王家光映春官闈昭陵宋仁主前星  
又無輝犯諱言所難雷電每霽威雄哉鍊石手妙  
補天巍巍丞相江南來雲掩扶桑暉舊德陳苦辭  
徃徃阨謗譏諸賢抗章疏弱卒攻堅圍公力斡禹  
鼎正氣砮黃扉荆舒憤至骨斥語筆自揮贈之以  
蕙蘭何徃無芳菲時公與司馬聲諧玉琴徽解冠  
挂神武甘老西山薇九寓日瞽瞍赤子將疇依兩  
公幸無恙起極或庶幾嗣君元祐初痛洗前人非  
民望屬司馬欲遯天為轡帝命起公卧門久車停  
駢君實了吾事比外何所希清風溢寰海不啻嚴

陵磯公既晚家許道德人所腓襄城下封寢汝頽  
皆京圻我來訪遺龍名姓存依稀來仍散兵燼雨  
雪無畱霏公名在天下豈逐薤露晞誰能禁耕牧  
盛事乘新機吾力不足振感嘆徒歔歔

大明宮早朝

胡寬

蓬萊拂曙色燁煜舒祥光九儀肅清蹕日月開旂  
常聖人握金鏡繡衮臨玉堂咸英備雅奏圭璧輯  
羣芳歡燕洽湛露敷恩兔龍章謳歌罄率土豈樂  
逢時康典文極藻績聲烈昭前王巍巍績鴻緒萬  
年斯無疆



刀不剪東流水湘竹年年露痕紫海枯石爛兩鴛鴦只合雙飛便雙死重城車馬紅塵起乾鵲無端為誰喜鏡中獨語人不知欲掃花枝淚如洗

征人怨

元好問

瀚海風煙掃易空玉關歸路幾時東塞垣可是秋寒早一夜清霜滿鏡中

塞上曲

元好問

平沙細草散羊牛一簇征人在戍樓忽見隴頭新鴈過一時迴首望南州

梁園春

元好問

雙鳳簫聲隔綵霞宮鶯催賞玉谿花誰憐麗澤門邊柳瘦倚東風望翠華

龍德宮有玉谿館麗澤燕都西門名

征夫詞

劉祁

頑陰漠漠秋天黑冷雨瀟瀟和雪滴途中騎士衣裳單半夜銜枚赴靈壁中州近歲雨雪多只因戎馬窺黃河將軍錦帳衣千襲馬上揮鞭傳令急但令飽煖度朝夕一死沙場吾不惜九重日望凱歌歸安知中路行逶迤願將舞女纏頭錦添作征人身上衣

征婦詞

劉祁

青釭熒熒照空壁綺窻月上莎雞泣良人沙塞遠  
從軍獨妾深閨長太息憶初癡小嫁君時謂君不  
晚擁旌麾如何十載尚輿隸東屯西戍長奔馳秋  
風戎馬臨關路千里持矛關上去公家事急將令  
嚴兒女私恩那得顧恨妾不為金鞵韞在君腰下  
隨風埃恨妾不為龍泉劍在君手內飛光燄慕君  
不得逐君行翠袖爛斑空血染君不見重瞳鳳駕  
遊九疑蒼梧望斷猶不歸况今沙場征戰地千人  
同去幾人回君回不回俱未見妾心如石那可轉

留春曲

杜瑛

絮飛冷屑龍蟠玉花隕香摧鳳銜燭批頰深林叫  
新綠倚闌人唱留春曲春光欲去如死灰明年暖  
風吹又來何如日日長相守典衣共醉花前枉殷  
勤留春春不住白日西馳水東去鏡中絲髮柰老  
何君當持盃我欲歌

楊白花

李冶

帝家迷樓春晝長紫笙吹破百花香蒲萄凝碧琥  
珀光燕語鶯啼空斷腸枕帷紅淚灑瀟湘玉鏡臺  
前添午粧茜羅綬帶雙鴛鴦胡蝶趁雪上釵梁千  
尺萬里雲茫茫

空村謠

揚弘道

淒風羊角轉曠野埃塵腥膏血夜爲火望際光青  
熒頽垣俯積灰破屋仰見星蓬蒿塞前路瓦礫堆  
中庭殺戮餘稚老疲羸行欲倒居空村問汝何以  
供朝昏氣息僅相屬致詞難遽言往時百餘家今  
日數人存頃筐長鏡隨日出樹木有皮草有根春  
磨沃飢火水土仍君恩但恨誅求盡地底官吏有  
時猶到門

羽林行

楊果

銀鞍白馬鳴玉珂風花三月懸脂波侍中女夫領

軍子萬金買斷青樓歌少年羽林出名字隨從武  
皇偏得意當時事少遊幸多御馬御衣嘗得賜年  
年春水復秋山風毛雨血金蓮川歸來宴賀滿宮  
醉山呼搖動東南天明昌泰和承平乂北人歲獻  
蒲萄酒一聲長嘯四海空繁華事往空回首懸瓠  
月落城上墻天子死不爲降王羽林零落祇君在  
白頭辛苦趨路傍腰無長劔手無槍欲語前事涕  
滿裳洛陽城下歲華暮秋風秋氣傷金瘡龍門流  
出伊河水北望臨潢八千里蔡州新起髑髏臺只  
合當年抱君死君家父兄健如虎一旦倉皇變爲

鼠錦衣新貴見莫嗤得時失時令人悲

金谷行

楊奐

洛陽園池天下無金谷近在西城隅晉時花草不  
復見野人猶解談齊奴齊奴豪奢誰比數酒酣愛  
擊珊瑚株後堂春風滿桃李中有一枝名綠珠千  
金買步障百金買艷氈時時吹笛替郎語雲牕霧  
戶長歡娛層階欲下須人扶豈料一日能捐軀紅  
飛玉碎頃刻裏空使行客悲躊躇樓頭小婦感恩  
死君臣大義當何如

桃源行

劉因

六王掃地阿房起桃源與秦分一水小國寡民君  
所憐賦役多慙負天子天家正朔不得知手種桃  
枝辨四時遺風百世尚不泯俗無君長人熙熙漁  
舟載入人間世却悔桃花露蹤跡曾聞父老說秦  
強不信而今解亡國畫圖曾識武陵溪飛鴻滅沒  
天之西但恨於今又千載不聞再有漁人迷

明妃曲

劉因

初聞丹青寫明眸明妃私喜六宮羞再聞北使選  
絕色六宮無慮明妃愁妾身只有愁可必萬里今  
從漢宮出悔不別君未識時免使君心憐玉質君

心有憂在遠方但恨妾身是女郎飛鴻不解琵琶  
語祇帶離愁歸故鄉故鄉休嗟妾薄命此身雖死  
君恩重來時無數後宮花明日飄零成底用宮花  
無用妾如何傳去哀弦幽思多君王要聽新聲譜  
為譜高皇猛士歌

塞翁行

劉因

塞翁少小壘上鋤塞翁老來能捕魚宋家昔日塞  
翁行屯田校尉功不如西山瀛海接千里長城又  
見開長渠要將一水限南北笑殺當年劉六符天  
教陂澤養鴈鶩留與金人賦子虛我來鄉國覽風

土髣髴搥鼓笛嗚嗚宵中雲夢忽已失酒酣懷  
昔平蕪昔年阻水群盜居塞翁子孫殺欲無至今  
遺老向人泣前宋監邊無遠圖

武當野老歌

劉因

南陽武當天下稀峯巒巧避山自迷青天飛鳥不  
可度但見萬壑空烟霏山不知人從太古白雲飛  
來天作主旌旗明滅漢陽津幾闕東西互夷虜老  
人住此今百年自言三世絕人烟往事不聞宣政  
後初心欲返羲皇前脯鹿為糧豹為席竹樹蒼蒼  
歲寒國天分地拆保無憂惟見北風山鬼泣一聲



白鴈已成擒  
回望丹梯淚滿襟  
傳語桃源休避世  
武陵不似武當深

燕歌行

劉因

薊門來悲風  
易水生寒波  
雲物何改色  
游子唱燕歌  
燕歌在何處  
盤鬱西山阿  
武陽燕下都  
歲晚獨經過  
青立遙相連  
風雨隨嵯峩  
七十齊郡邑  
百二秦山河  
學術有管樂  
道義無丘軻  
蚩蚩魚肉民  
誰與休干戈  
往事已如此  
後來復如何  
割地更石郎  
曲終哀思多

白鴈行

劉因

北風初起易水寒  
北風再起吹江干  
北風三吹白鴈來  
寒氣直薄朱崖山  
乾坤噫氣三百年  
一風掃地無留錢  
萬里江湖想瀟灑  
佇看春水鴈來還

義俠行

王惲

予為王著作  
劔歌行繼更曰  
義俠或詢其所以  
因為之解曰  
彼惡貫盈禍及天下  
大臣當言天吏得  
以顯戮而著處心  
積慮一旦以計殺  
之快則快矣  
終非正理夫以匹夫  
之微禍殺生之柄  
豈非暴戾  
邪不謂之俠可乎  
然大姦大惡凡民  
罔不慙又以此  
春秋法論亂臣賊子  
人人得以誅之  
不以義與之

可乎又且以游俠言古今若是者不數人如讓之  
止報已私軻之劇軀無成較以此舉于尋常萬萬  
也凡人臨小利害尚且顧父母念妻子慮一發不  
當且致後患著之心孰謂不及此哉然所以略不  
顧藉者正以義激於衷而奮捐一身為輕為天下  
除害為重足見天之降哀仁人義士有不得自私  
而已者此著之心也何以明之事既露著不去自  
縛詣司敗以至臨命氣不少挫而視死如歸誠殺  
身成名李路仇救死而不悔者也故以劒歌易而  
為義俠云著字子明益都人少沉毅有膽氣輕財

重義不屑小節嘗為吏不樂去而從軍後與妖僧  
高比行假干夫長歸有此舉死年二十九時至元  
十九年壬午歲三月十七日丁丑夜也

君不見悲風蕭蕭易水寒荆軻西去不復還狂圖  
祇與螫蛛靡至今恨骨埋秦關又不見豫讓義所  
激漆身吞炭人不識劇軀止酬一已恩三刺襄衣  
竟何益超今冠古無與儔堂堂義烈王青州午年  
辰月丁丑夜漢允策秘通神謀春坊代作魯兩觀  
卯魄已禡曾夷猶袖中金鎚斬馬劒談笑馘取姦  
臣頭九重天子為動色萬命拔出顛崖幽陂陀燕

血濟時雨一洗六合妖氛收丈夫百年等一死死  
得其所鴻毛輔我知精誠耿不滅白虹貫日霜橫  
秋潮頭不作子胥怒地下當與龍逢遊長歌落筆  
增慨慷覺我髮堅寒颼颼燈前山鬼忽悲歎鐵面  
御史君其羞是月授南臺侍御史故云

田家謠

魏初

五月軍回未有期不禁烟瘴入枯脾馬頭一骨還  
家日只有弓刀似舊時

懸瓠城歌

李材

我經懸瓠城試作懸瓠歌殘灰五百載懸瓠不復

嶺看唐中葉失馭將退辱進危多詆謗淮西孽  
手指天百萬官兵不敢傍長安市上晝殺人司隸  
走藏魂膽喪晉公一語破紛紜意斷心謀神莫抗  
諫書不到雙闕下詔檢初成九天上煌煌日月煥  
斧節慘慘風雲動鞬鞞殿前虓虎神策軍愬武通  
顏分玉帳夜深雪花大於壁懸瓠城頭血埋伏寒  
威方勁弓百鈞淨影不搖旗十丈已囚猷偷山更  
沸再戮鯨鯢海無浪蔡人不識緋衣兒劔氣磨天  
大丞相方城大將拜道左犀甲金戈光炫晃兇器  
狡衆五十秋白日青天破昏障兒童不遣避介冑

婦女爭來沽綠釀入朝論功功有差晉公之功無  
與讓英雄事往名器虛粟斯喘唳竟相尚外藩跋  
扈驕將侮中禁深嚴雙臣誑山東何啻百少陽秦  
苑洛陽隨板蕩我歌懸瓠辭歌聲頗悲壯嗚呼唐  
之覆車將誰尤後人吊古徒哀愴懸瓠城下汝水  
流懸瓠城邊牧笛唱懸瓠歌歌已終君不見豐碑  
野火化爲土悵望文公及晉公

水荒子歌

鮮于樞

水荒子日日悲歌向城市辭危調苦不忍聞妻孥  
散盡餘一身城中米貴丐者衆崎嶇一飽經千門

城中昔食城外米城外人今食城裏耕者漸少田  
漸荒政恐明年不如此水荒子行歌乞食良不惡  
猶勝弄兵獄中死

水荒子聽我語忍死休離去鄉土江中風浪大如  
山蛟鱷垂涎寧貫汝路傍暴客掠人賣性命由他  
還更苦北風吹霜水返壑稍稍人烟動墟落賑濟  
欲下逋負除比著當年苦爲樂水荒子區區吏弊  
何時無聞早還鄉事東作

湖上曲

鮮于樞

湖邊蕩槳誰家女綠慘紅愁問無語低回忍淚並

人船貪得纏頭強歌舞玉壺美酒不消憂魚腹熊  
躡棄如土陽臺夢短匆匆去鴛鴦鎖生寒愁日暮安  
得義士擲千金坐令桑濮歌行露

烈婦行

趙孟頫

至元七年冬濱州軍士劉平之戍棗陽與其妻胡  
俱道宿車下爲虎所得起追及之殺虎脫其夫吾  
聞之中原賢士大夫如此乃爲感激慷慨作烈婦  
行以歌之

客車何焯焯夫挽婦爲推問君將安去言往棗陽  
戍官事有程宿車下夜半可憐逢猛虎夫命懸虎

口婦怒髮指天十步之內血相濺夫難再得虎可  
前寧與夫死毋與虎生呼兒取刀力與爭虎死夫  
活心始平男兒節義有如許萬歲千秋可以事明  
主馮婦卞莊安足數嗚呼猛虎逢尚可寧成寧成  
柰何汝

沉沉行

虞集

沉沉天宇玄以黝星河如銀垂近人牛羊漫散草  
多露大帳中野旁無隣去年八月羽書急婦女上  
馬小兒泣今年八月天子來身屬橐鞬月中立

車簇簇行

馬祖常

李陵臺西車簇簇行人夜向灤河宿灤河美酒斗  
十千下馬飲者不計錢青旗遙遙出華表滿堂醉  
客俱年少侑盃小女歌竹枝衣上翠金光陸離細  
肋沙羊成體薦共訝高門食三縣白髮從官珥筆  
行毳袍衝雨桓州城

竹枝歌

京城南栗侯玩芳亭仲淵子方同賞牡丹

馬祖常

城南牡丹一百本翰林學士走馬來渡水楊花逐  
飛燕剪衣雲影覆春臺

栗侯宅中花一園客來飲酒費金錢明朝碧樹春  
城合恨不江東問酒船

玉環引送伯庸北上

王士熙

崑山有美璞昆吾有寶刀推雪瀉寒冰凝此英瓊  
瑤團團月長滿晶晶白雲淺似環環無窮寥寥人  
意遠有美山人皎潔同精神禁垣青春多大珮  
垂朝紳腰無大羽箭肘有如斗印結束上京行騶  
駒驟長鞞不揀珊瑚鈎海深安可求不執水蒼壁  
漢庭羅公侯愛此玲瓏質題詩贈與客百金一朝  
傾三年不可得不得只空行山泉琴峽鳴摩挲龍  
門石憶憶應留情天風北極高歸途踏霜草不惜  
玉環分只願君還早

早朝行

王士熙

石城啼鳥翻曙光千門萬戶開未央丞相珂馬沙  
堤長奏章催喚東曹郎燕山駟騎朝來到雨澤十  
分九州報輦金馱帛分遠行龍沙士飽無鼓聲閣  
中龍牀琢白玉瑟瑟圍屏海波綠曲闌五月櫻桃  
紅舜琴日日彈薰風

畫馬歌

范梈

錢君畫人勝畫馬安得名驄妙天下青雲隱約見  
龍文有意軒昂駛華夏圍官山立頎而鬣朱衣黑  
帶高帽尖問渠掌握詎有此牽控寧知人汝嫌君

不見才士受束縛徃徃因之縱寥廓

蘇小小歌

辛文房

東流水底西飛魚銜得錢塘紋錦書幾回錯認青  
驄馬著處閑乘油壁車鸚鵡盃殘春樹暗蒲萄食  
冷夜牕虛蓮子種成南北岸苦心相望欲何如

李宮人琵琶引

揭傒斯

茫茫青冢春風裏歲歲春風吹不起傳得琵琶馬  
上聲古今只有王與李李氏昔在至元中十九辭  
家來入宮一見世皇稱藝絕珠歌翠舞忽如空君  
王豈爲紅顏惜自是它人彈不得玉觴未舉樂未

停一曲便覺千金直廣寒殿裏月流輝太液池頭  
花發時舊曲半存猶解語新聲萬變總相宜三十  
六年猶一日長得君王賜顏色形容漸改病相尋  
獨抱琵琶空歎息與聖宮中愛更深承恩始得遂  
歸心時時尚被宮中召強理琵琶弦上音琵琶轉  
調聲轉澁堂上慈親還佇立回看舊賜滿床頭落  
花飛絮春風急

船上謠

送伯庸以番貨  
事奉使閩浙

宋本

江華江月要才情多病堪憐馬長卿莫向都門折  
楊柳帝鄉春色不南行

流求真蠟接閣婆日本辰韓歲貊倭番船去時道  
矴石年年到處海無波

朱張死去十年過海寇凋零海賈多南風六月到  
岸酒花股篙丁奈樂何

湧金門外是西湖隄上垂楊盡姓蘇作得吳趨阿  
誰唱小卿墳上露蘭枯

舊時家近黑橋街三十餘年不往來憑仗使君一  
問訊楊梅銀杏幾回開

名黑橋居有楊梅銀杏  
二樹在巨井上園

予以至元廿六年出杭故  
居東廂隅四條巷旁有橋

閩中父老白鬚鬚老子風流記得無昔日郎君騎



竹馬如今使者駕輶車

伯庸之先嘗仕閩中

素馨華畔十八娘炎雲瑞露酌天漿一日供厨三

百顆使君館券莫支羊

薰陸胡椒膻膈齋明珠象齒駭雞羣世間莫作珍

奇看解使英雄價盡低

東海澄清南海涼公厨海錯照壺觴郎君養好江

瑶脆水母線明烏賊香

明年歸路蹋陽和缺胯輕衫剪越羅春風通惠河

頭路還與官家得寶歌

元文類卷第四

元文類卷第五

七言古詩

鄧州城樓

元好問

鄧州城下湍水流鄧州城隅多古丘隆中布衣不

復見浮雲西北空悠悠長鯨駕空海波立老鶴叫

月蒼烟愁自古江山感遊子金人誰解賦登樓

吊故宮

杜瑛

月上觚稜椒壁濕飢烏啄碎琅玕石劫灰飛盡海

揚塵廢殿荒臺土花碧洛陽書生汴梁客一夜春

風頭欲白尊中賴有酒如泉醉倚寒窓破愁寂

風雨 臣源相過話舊有感

王磐

中統三年春二月變起青齊帶吳越鯨鯢轉側海  
波翻城郭橫尸野流血我時辛苦賊中來兵塵糶  
糊眼不開妻孥棄捐豺虎口飛蓬飄轉無根荻天  
寒日暮齊河縣破驛荒涼絕烟爨騎行驛馬鈍如  
蛙官吏散地無處喚與君此地忽相逢行臺郎中  
氣勢雄憫我白頭遭喪亂壯我臨難全孤忠急呼  
驛吏具鞍馬使我厄路還身通明晨相隨濟南去  
出入條侯營壘中死生契濶不相棄起居飲食常  
相同標山華注日在眼線歷春草及秋風四郊斫

木桑拓盡灤源飲馬波濤空兗渠腰領膏野草始  
見齊魯收烟烽巨源巨源君且坐我欲高歌君可  
和往事回頭十五年猶想離魂杳楚些身逢喪亂  
百憂纏生不成名空老大我依破硯竊恩榮君佐  
雄藩世最課流萍蹇聚不吉時且喜相看顏一破  
我衰無力

有懷梁仲經父

楊奐

美人熒熒在何處海闊天低隔烟霧珊瑚零落芙  
蓉空咫尺相望迷去路翠輦金輿雙鳳凰風吹環  
佩聲琅琅壺觴狼藉事已往一日萬里愁茫茫劉

郎竟是誰家客歲晚霜華林葉赤美人熒熒在何處鴨綠江頭江月白

金太子允恭墨竹

劉因

黑龍江頭氣鬱葱武元射龍江水中江聲怒號久不瀉破墨揮灑餘神功天人與竹皆真龍墨竹以來允馬空人間只有墨君堂何曾夢到瓊華宮瑤光樓前月如練倒影自有河山雄金源大定始全盛時以漢文當世宗興陵為父明昌子樂事孰與東宮同文采不隨焦土盡風節直與幽蘭崇百年圖籍有蕭相一代英雄誰蔡公策書紛紛少顏色

空山夜哭遺山翁我亦飄零感白髮哀歌對此以

雙蓬秋聲瀟瀟來晚風極目海角天無窮黑龍江見金史

丞蘭軒義宗死所泚亡張蔡公少金實錄歸遺山嘗就公瞻錄此軸亦公得于泚之中秘者公之子仲仁持以求于詩故終篇及之

金太子允恭唐人馬

劉因

道人神駿心所憐天人龍種畫亦然房星流光忽當眼徑欲攬轡秋風前漢家金粟幾蒼烟江都筆勢猶翩翩東丹獵騎自豪貴風氣惜有遼東偏天入秀發長白山畫圖省識開元年金源馬坊全盛日四十萬匹如秦川天教劫火留此幅玉花浮動

青連錢英靈無復汗石馬悲鳴真似泣金僇只今  
回首望甘衆汾州繁華鴈影邊音探竟隨轍跡盡  
兀坐宛在驂騑先人間若有穆天子我詩當作祁  
招篇

陳氏莊

劉因

陳氏園林千戶封晴樓水閣圍春風翠華當年此  
駐蹕太平天子長楊宮浮雲南去繁華欲回首梁  
園亦灰滅淵明亂後獨歸來欲傳龍山想愁絕今  
我獨行尋故基前日家僮白髮垂相看不用吞聲  
哭試賦宗周黍離離

陳氏先父之外家也金章宗每出獵必宿其家淵明謂先

父龍山指孟嘉事

渡白溝

劉因

東北天高連海嶼太行蟠蟠如怒虎一聲霜鴈界  
河秋感慨孤懷幾千古只知南北限長江誰割鴻  
溝來此處三關南下望風雲萬里長風見高舉萊  
公灑落近雄才顯德千年亦英主謀臣史臣強解  
事枉著渠頭汗吾鼓十年鐵硯自庸奴五載兒皇  
安足數當時一失榆關路便覺燕雲非我土更從  
晚唐望沙陀自此橫流穿一縷誰知江北杜鵑來  
正見海東青鳥去漁陽槌鼓鳴地中鷓鴣飛滿梁

園樹黃雲白草西樓暮木華山頭幾風雨只應漠  
漠黃龍府比似愁岡更愁苦天教遺墨說向人凍  
雨頑雲結淒楚古稱幽燕多義烈嗚咽泉聲瀉鈴  
怒仰天大笑東風來雲放殘陽指歸渡

宋徽宗賜周準人馬圖

劉因

筆底金鞅有肅爽誰云不博降王長汴梁門外若  
雲屯畫本相看應自賞十載青衣夢故都經營慘  
淡欲何如只除金粟呼風鳥曾見昭陵鐵馬趨

宋理宗書宮扇

劉因

杭州宮扇二好事者得之燕市一畫雪夜泛舟一

畫二色菊理宗題其背有興盡爲期及晚節寒香  
之句諸公賦了亦同作

天津月明啼杜鵑梁園春色凝寒烟傷心莫說靖  
康前吳山又到繁華年繁華幾時春已換千秋萬  
古合歡扇銅雀香消見墨痕秋去秋來幾恩怨一  
聲白鴈更西風冠蓋散爲烟霧空百錢鞵錦天留  
在禍胎要鑿驪山宮當時夢裏金銀闕百子樓前  
無六月瓊枝秀發後庭春珠簾晴捲天門雪棹歌  
一曲白雲秋不覺金人淚暗流乾坤幾度青城月  
扇影無情也解愁五雲回首燕山雪花大如席雪

花漫漫水戔戔大風起兮柰何

登金荆軻山

劉因

兩山巉巉捕天色中有萬斛江聲哀人言此地荆  
軻館尚餘廢壘山之隈太子西來函關開誰信生  
兒為禍胎筆頭斷取江山去已覺全燕如死灰馬  
遷尚俠非史才淵明債世傷幽懷春秋盜例久不  
舉紫陽老筆生風雷遺臺古樹空崔嵬平蕪落日  
寒烟堆紛紛此世亦良苦今古燕秦經幾回憂來  
徑欲浮蓬萊安得魯連同一盃碣石東頭喚羨門  
六鰲載我三山來

幼安濯足圖

劉因

漢家無復雲臺功生平不識大耳公眼中天意鏡  
中語此身只有扁舟東諸公亦英雄百年能辨山  
陽封歸來老栢號秋風世路悠悠七十翁乾坤故  
物雨足在霜海浮雲空復空無刀可斷華大尉有  
死不為丕太中丹青白帽凜冰雪高山目送冥飛  
鴻為問蘇家好兄弟萬古北海誰真龍

幼安蓋氣質  
各以類云

歸去來圖

淵明豪氣昔未除翱翔八表凌天衢歸來荒徑手

自鋤草中恐皇劉寄奴中年欲與夷皓俱晚節樂地  
歸唐虞平生磊磊一物無停雲懷人早所畜有酒  
令龐通沾眼中之人不可呼哀歌撫捲聲嗚嗚

淵明歸來圖

盧執手

留侯晚歲游赤松武侯早歲稱卧龍忘秦扶漢聲  
隆隆淵明初非避俗翁兩侯大節將無同鴈秋持  
書晉甲子辭鋒時露長沙雄王弘何幸奉吾足督  
郵能祚平生宵門前五柳春濛濛落絮不與江波  
東環堵蕭然吾未窮北窓儘有羲皇風畫圖不盡

千古意詩成一笑浮雲空

淵明歸來圖

尚野

羲皇上人鄉里兒田園將蕪非所思楚聲雖託絕  
怨對高情千古歸來辭歸來忽復河山移忠憤意  
切語益微白雲遙遙望不極東籬舊菊西山薇夷  
齊奚疑怨耶非况乃貌此遺世資文行圭璧照方  
冊飄然髣髴空同時子雲擬聖諸儒譏法言美新  
吾誰欺考亭夫子春秋筆昭然晉莽日星垂

過黃陵廟

李材

黃陵廟前湘水綠天寒漁郎唱巴曲沙棠舟上月

蒼蒼翠蛟白蜃江茫茫似聞清愁五十柱萬里鴻  
飛楓葉暮神鴉翻舞祠門開珠裳玉袖露莓苔玄  
猿晝啼蘿薜影赤鱗夜去芙蓉冷北渚淚痕斑竹  
紋南風哀思蒼梧雲山頭古桂秋露碧山下江流  
豈終極荒涼揭車雜杜蘅靈風自吹煙霧旌輕帆  
晚向芳洲泊聊薦蘋羞奠蘭酌沅有汜兮湘有沱  
洞庭木落生層波裴回獨詠騷人歌

金入塞圖

虞集

海風吹沙如捲濤高為陀磧深為壕築壘其上嚴  
周遭名王專居氣振豪肉食潼飲田為遨八月草

白雲颼颼馬食草實輕骨毛加弦試弓復置橐今  
日不樂心恹恹什什伍伍呼其曹銀黃充鷓明繡  
袍鷓鴣小管隨鳴靴背孤向虛出北臯海東之鷲  
王不驕錦鞵金鏃紅絨條按習久蓄思一起是時  
晶清天翳絕駕鷲東來雲帖帖去地萬仞天一瞥  
離婁屬望目力竭微如聞音鷲一掣束身直上不  
回折遂使孤飛一片雲頃刻平蕪洒毛血爭誇得  
雋頓足悅旌旗先歸向城闕落日悲風起蕭屑烟  
塵滿城鼓微咽大首要王具甘歎三亦欣然沃焦  
執關支出迎騎小駝琵琶雨姬紅頻頻舞歌迭迭



醉燭滅穹廬斜轉艷餘月

董元夏景山口待渡圖

虞集

董元夏山何可得嘉木千章鐵作叢層巒總含雨  
氣潤百谷正受川光溢犬牙洲渚善狀泗滄江散  
落碣石開山田何處無耕鑿尋源不得還徘徊柳  
下行人將有適臨流不度心爲惻我揖孔堅舟孔  
安奉子以濟諒非難

送孟脩兄南歸

虞集

老兄五月來作客八年不見頭總白五人兄弟四  
人在海憶中郎淚霑臆我家蜀西忠孝門無田無

宅惟書存兄雖窮庫實父蔭弟竊餘澤承君恩文  
章不如仲氏好叔氏最小今亦老土郎十歲未知  
學嗟我胡為長遠道諸兒讀書俱不多又不力耕  
知柰何憂來唯得二三友看花把酒臨風歌蜀山  
嵯峨歸未得盤盤先隴臨川側碧梧翠竹手自移  
應與青松各千尺南風吹雪河始冰兄歸烏帽何  
眾眾明年乞身向天子共讀父書歌太平

寄鄉友

馬祖常

河邊老父念我出遠寄京華書一行謂言白髮今  
多少又報南園竹樹荒門前石田秔秣熟犢子新

生走如鹿莫恋官家有俸錢長年作客身如束

送蘇公赴嶺北行省即中

王士熙

居庸關頭亂山積李陵臺西白沙磧畫省郎官貂  
帽側飛雪皚皚馬韉濕馬蹄雪深遲遲行冷月悽  
雲塞垣明鐵甲無光烽不驚萬營角聲如水清明  
年四月新草生征人賣劍隴頭耕思君遙遙隔高  
城南風城樓來鴈鳴

萬竹亭

范梈

誰能買山種萬竹殘年請老住巴蜀結亭更在竹  
中間四面雲谿寫山麓風敲最覺夜眠清雨洗磨

延秋望綠日吟不限三千字日飲定須過百斛隴  
西仙翁持斧客散馬涼城行新菊為言令弟隱滄  
江如此風流天下獨乃家正在蠶茨野束束琅玕  
繞茅屋方知白眼待時人箕踞科頭自為俗是邦  
子雲劇博雅閉門草玄食漢祿多緣未識此君心  
往事微瑕傷白玉使君自是廊廟具方駕前脩詎  
為辱平生抱負勁直節日暮天寒照空谷始我瞻  
望望不及終我嘆嗟嗟不足乞官倘或從西遊向  
子亭邊祝黃鵠

滋溪書堂

謝端

趙之川濔浸洌易恒滉泝洑各異出惟滋有溪亦  
是匹或伏或見乃不容不能百里濔是從混混千  
里俱朝宗予曩涉河觀湖江踔雲蕩日怒擊撞歸  
視子滋嶺之瀧是滋名揚子所始有田有廬水之  
洑有堂三楹庠非侈中經子史堂右左高曾遺子  
以自課子廼善繼志不惰蒐今撫古扶恠竒泓涵  
演迤吐爲辭副墨徃徃傳京師羸金青紫世所取  
滋溪有源子有後斯堂斯書可世守

雜言

觀雷溪

劉因

飛狐天下脊老氣盤互回三江瀉天怒合爲一水  
東南來此勢不殺令人愁石門喜見西山開未補  
青天裂誰鑿渾沌胎竒聲猛狀萬萬古山根幾許  
猶崔嵬兩山倒傾瀾百丈逢顛崖先聲動毛髮餘  
爽開襟懷初疑萬壑轉奔石意像髮髯坤軸摧又  
疑鼓角鳴地中百步未到仍徘徊荒祠下石磴駭  
目何雄哉春風不到太古雪今日仍得曾中雷穿  
石誰能窮窟宅流沫勢欲浮蓬萊平生芥蒂今寒  
灰兩耳到骨無纖埃廊元筆頭天下水石頭之竒  
猶見摧乃知茲游亦竒絕快弄素霓噴瓊瑰東崖

元文類卷五  
十一  
一片石坐拂千年苔為招郎山居共捲長鯨盃江  
妃為搗靈鼓催赤鯁躍出銀山堆先生醉來泉灑  
面狂歌一和湍聲哀

游郎山

劉因

昨日山東州馬耳索御凌風嘶今日軍市中不覺  
已落山之西山之面背一無異不待風烟變化神  
已迷危關度雪嶺亂石通荒蹊林間小草不識風  
日自太古我行終日仰羨木杪幽禽啼但見雨色  
來雲物颯以淒忽然長嘯得石頂痛快如御駿馬  
蹄萬里來長風五色開晴霓長劍倚天立皎潔瑩

辟新平地拔起不傾側物外想有神物提詩家舊  
品嵩少同畫圖省見巫山低誰令九華名獨與八  
桂齊千態萬狀天不知敢以兩目窮端倪騫騰誰  
避若飛隼側瞰何屈如怒猊千年落窮邊烟草寒  
萋萋若非酈亭書生此鄉國物色誰省曾分題

元注水經說郎山形勢最真今乾坤至寶會有待  
涿郡有酈亭其先世所居也

豈有江山如此不着幽人棲頗聞山中人雲間時  
聞犬與鷄只疑名山別有靈境在不許塵世窮攀  
躋不是先生南游有成約徑欲共把白雲犁九疑  
窺衡湘禹穴探會稽玉井爛賞金芙蓉日觀倒捲

青玻璃風烟回首莫瀟灑南游準擬相招携

岳陽樓

張經

巴陵形勝甲天下郡治西南有樓曰岳陽盡得巴  
陵之勝至元丙戌余以監察御史按臨長沙道出  
巴陵凡一往返不暇一登甲午夏備員湖北憲司  
分司于辰始得以酬平昔之志噫湖山如此造物  
者何其靳邪因留數語以識歲月云  
洞庭一水七百里烟朝月夕皆經過豈知斜陽萬  
里更有一佳處君山十二盤青螺乾坤有此樓萬  
古高嵯峨憶昨長江咫尺限南北風烟畫本一日

千摩挲今朝快一登恍若驅沉疴生平所羨鑑湖  
請乃今更覺君恩多湘靈也似知我至時令白鳥  
來婆娑鐵笛紫荆曲春草黃陵歌江山一醉謾不  
省悲風落日生白波愛山愛水亦非癖柰此日月  
如飛梭彭蠡鄱山堆碧海青銅磨武昌雲間嘆黃  
鶴采石天外愁青娥詩家割據幾今古元氣發泄  
天不訶扁舟歸來月一蓑仙槎已候三山阿吾欲  
乘興觀銀河

題丁氏松澗圖

鄧文原

天目之峯凌紫烟下周林壑紆長川清池斗絕涵

倒景神運直自疏鑿先彼美幽貞廬間房曲奧辛  
夷荃蒼官手植經幾年靈蚪天矯今參天門前朝  
流暮流水但聞激石瀉瀨鳴濺濺山人養真衡茅  
下有書可讀琴可弦意行清澗曲長嘯松風前山  
月出林高溪花弄春妍仙人欲來夜將半天空鶴  
唳山凄然颺塵大笑狂馳子口誦丹訣傳真玄我  
欲從之結隣屋得疏藥園謀芝田

我本山人素志立壑獲歸名山爲願畢矣爰  
以四月十一日離京師是夜抵潞陽慨然賦  
詩遙慰匡廬隱者併以寄金門諸公爲一據

云

李涪

野馬脫羈鞅倏疑天地寬臨風一長鳴風吹散入  
青冥間頗如魯沖連蹈海不復還又如安期生長  
留一舄令人看江南浩蕩忽如海落日照耀浮雲  
開既不能低眉伏氣摧心顏詭遇特達驚冥頑又  
不能抱書挾策千萬乘調笑日月相迴盤匡廬迢  
迢接仙山仙翁泛若秋雲閑長松之陰引孤鶴望  
我不見空長歎采鉛天池津飲淥桃花灣蒼梧倒  
影三湘寒赤城霞氣生微瀾鯨鯢翻空海波赤曉  
色欲上扶桑難人間之樂考誠不足恃何如歸卧

棲巖巒棲巖巒  
巖穴夜半天風吹酒醒猶有西  
溪萬年明

先天觀

范梈

學仙之人與山為徒往往在台廬之奧湖江之區張  
公鍊丹作龍虎丹成御氣游六虛後來出者絕代  
無復有逸人往玄都玄都之壇角井孤上摩萬里  
之黃鵠下伏千尺之飢鼯陰森檜筠自太古斬種  
力與開闢俱搏桑朝日挂絕壁坐見觀閣青糝糊  
擘厓控弦寫哀壑秋春雲露之田腴我亦人間山  
澤臞偶陪時龍賓唐虞有時一醉黃公壚震風三

日撼不蘇折華不得度弱水揮手始識仙凡殊玉  
堂學士危與吳遺我茲山之畫圖尋牕數戶久歎  
息無因置我雙擗蒲獨行幽人不受呼掃葉青澗  
聽啼鳥日暮蘿徑相縈紆相縈紆向何處明朝為  
借麻姑鵬我亦騎之上天去

雜體

入安南絕不作詩清明感事集句

陳孚

十里宜春下苑花五年寒食住京華自憐慣識金  
蓮燭奉使虛隨八月槎  
回首扶桑銅柱標芙蓉帳暖度春宵清明寒食誰

家哭折戟沉沙鐵未消

水流花謝兩無情獨上高樓望帝京閑憶金明池

上路人生看得幾清明

江東行客思悠哉不盡長江衮衮來寒食清明都

過了鷓鴣飛上越王臺

台州城濶海冥冥人踏金鰲背上行獨在異鄉為

異客無花無酒過清明

慈母年高鶴髮垂鄉書無鴈到家遲初過寒食一

百六一日思親十二時

共籍梨花作寒食孟光舉案與眉齊越裳翡翠無

消息夜合花前日又西

寒食家家出古城滿川風雨看潮生八千里外飄

零客起向朱櫻樹下行

一百五日寒食雨風光別我苦吟身尚書氣與秋

天香同是天涯流落人

海上乘槎上紫氣清明時節雨紛紛虎牙銅柱皆

傾倒水盡天南不見雲

蘇軾遠遊聯句

壬寅冬與伯長同留姑蘇時伯安將赴都

袁裒

海鵬跨南雲一去扶浩蕩宛駒踏北雪絕足追罔

象擁宵征車載脂明發燈在幌行邁念悄悄離愁



懷養養哀違吳始按浙過越猶指掌虹網結長思  
羯鼓促新響觴至不復辭楠駕逸誰能彷彿明堂企  
棟梁武庫須滌蕩材同瑚璉英哀學媿蓬麻長大  
施朱弦清小薦金莖沆雲間鶴孤唳楠天外鴻橫  
上曉舲斫輕水午店憇平壤追攀轍烟濤哀涉歷  
走塵鞅清淮橋蟬螻薄霧裘驪風臺牛一鳴楠  
日觀雞三唱團桑沃如蓋宿草亂若緝青帘客沾  
酒哀素鬣漁收網心觀沫泗流眼豁恒岱爽追程  
騎侵雲楠勸耕農植杖俗厚喜豐登氣俠存慨慷  
伊河既東流哀維斗復北仰誰云風土殊始覺宇

宙廣骨聳終超騰神清誰懔懔鈞天夢豈真楠廣  
寒步空想銖衣入閭闔芥粒視北垧千官紫府榮  
九奏彤庭暢摘文剪金炬哀展案簇天仗清都踰  
咫尺弱水謾方丈絳旗雲霧開寶扇日月晃仁聲  
被八表楠德意昭羣枉况檢極封崇芬飶嚴肱饗  
瑞氣藹重重泰階瞻兩兩駝峯出天厨哀裏蹠錫  
中帑鳴珂接俊彥正笏遠偏黨德人笑采芝逋客  
棄拾橡茅拔要有方楠矢來本無響湘纍但瓌詞  
越相僅金像遭諛氣徒憤得計身何往豈如及承  
平相與窮昭朗君行出我颯我滯心悒快輕霜著

裘帽哀微雪留草莽離歌出兼葭古製却益益先  
登匪一獲後至激孤槩城南燈火深楠塞北音書  
睚春風漸披拂臘水將滉漾詩成愈加險酒盡未  
為疆雙眸秋水炯哀累語春波盪經行度崎危交  
友希侗儻羈遊棄楚荒遠客憐齊愴光陰尺璧重  
楠事業千金賞行還鴈塔題復覩鴻都榜時來戒  
步窘事至勿技癢暗韋本允近哀鐵石乃忠謹詞  
林納疵美書田計荒穰列仙會儒癯羣楠極吏駟  
陸生強咿嚶陶令終翫臚清心百壬避正色上帝  
饗徒為捧心施莫學畫眉敞功名要無心造物端

有相行行遂初志操持記疇曩

元文類卷第五

元文類卷第六

元文類卷第六

五言律詩

春思

張澄

一春常作客連日苦多風野樹淒迷綠簷花暗澹  
紅愁隨詩卷積囊與酒樽空巢燕如相識頻來草  
舍中

觀物

許衡

萬物備吾身身貧道未貧觀時見物理主敬得天  
真心爽星辰夜情忻草木春自憐斲喪後能作太  
平人

趙氏南莊

許衡

曉起北窗涼清談戢羽觴入簾花氣重落地燕泥  
香夢裏青山好吟邊白日長秋風載書籍相對築  
茅堂

晚上易臺

劉因

遺臺連廢壘落日展遙岑海嶺天東北燕遼世古  
今每當多感慨直欲罷登臨莫更畱塵跡千年不  
易禁

登武陽

劉因

朝遊樊子館晚上武陽城潮接滄溟近山從碣石

生斷虹雲淡白返照兩踈明且莫悲吟發樵歌已  
愴情

雜詩

劉因

堯山唐故國淳朴帶遺蹤種果收奴力開田亨素  
封採收多上藥景仰近神峯夢寐驅黃犢巖居二  
老農

聞昔蜚狐口竒兵入擣虛人才九州外天道百年  
餘草木皆成騎衣冠盡化魚遺民心膽破諱說戰  
爭初

冀北高寒境英靈海岳全斯文若程邵家世亦幽

燕祀典今誰舉遺經會有傳吾鄉此盛事瞻仰在  
他年

關嶺通山後風謠米路傍地寒人好壽草淺畜宜  
羊用水如奴婢從川貯米糧西風如有約乘興即  
吾鄉

何事招提好山深馬可驅松巢低暎帽竹溜細通  
厨霜粟千封戶雲屏四畫圖冠巾如用我白鹿是  
規模

巖居訪高道少日在風塵回首話前事低眉厭此  
身江山資寇盜田畝化荆榛領取天倫重無君愁

殺人

水繞千山合雲藏數畝荒初尋香有陣漸入翠成  
行豚穿依危石牛溪帶小塘團茅菴如畫可惜是  
逃亡

過奉先

劉因

閩遼承宋統此志亦雄哉置縣名猶在因山勢已  
摧百年元魏史千古汝南哀華表鶴應有悲風海  
上來

齋居雜言

何榮祖

名教無窮樂真知在暮年中庸萬事畢太極一心

飄然  
全世事頻觀  
易人情靜看  
天興來時有  
句率爾亦

寄暢純父治中

姚燧

欲聞真息耗  
無使梓潼來  
烽火平時報  
田疇亂後  
開徒歌王粲  
賦不直士元  
才遙憶牛頭  
寺思親日  
幾迴

輿病高崖道中作

姚燧

役役乾坤遠  
栖栖道路頻  
五年三入蜀  
十夢九皈  
秦瘡鬼偏凌  
客山英定笑  
人無勞問前  
渡秣覺白  
頭新

舟達黃溪

姚燧

草木隨寒暑  
殊方榮悴同  
葦華兼露白  
檉葉未霜  
紅日月雙飛  
鳥江湖一病  
翁晚來沙嶼  
上愁坐獨  
書空

發丹青神縣

姚燧

青神開百丈  
江岸轉荒涼  
薜荔緣松起  
蕪葭並竹  
長深披豺虎  
徑毒犯虺蛇  
鄉何莫非王  
事牽夫可  
惋傷

感事

姚燧

致位丞疑地  
夔龍伯仲間  
星當朝北斗  
日已薄西

山取謗因讎惡貪權失巧閑此行雖鐵甲未足比  
慙顏

次韻書事

安熙

野性元孤索無朋儘自皤業荒聞道淺靜久閱人  
多靈鳳寧棲枳冥鴻本避羅南遊有高興何處是  
滄波

病中齋居雜詩

安熙

多病交游少相看動浹辰賦詩聊遣興觀化足怡  
神問字有知己過門無俗人伊誰同此樂願卜許  
東鄰

進詩一首

李孟

十年陪顧問一旦決安危自合成功去應慚見事  
遲長城何自壞孤注莫相疑辟穀求仙者高明百  
世師

岳陽樓待渡

高思恭

楚水凝千里湘雲隔萬層城高秋浦月星雜夜船  
燈旅况天誰管年光鴈可憑殷勤澹山色相送過  
巴陵

泊舟湘岸

李材

長沙今在眼青草舊知名二月風播疾三湘雪淚

平藤深帝子廟花發定王城莫艤江南岸啼鵲處  
處聲

四遊山寺

李材

行行行復止行到白雲間見客意不俗逢僧心便  
閑細泉分別澗小逕入他山擬借禪房榻追遊信  
宿還

送蘇子寧赴嶺北行省郎中 袁楠

貂帽護寒沙冰天閑歲華斷溪駝聽水密雪犬行  
車雲盡難尋鴈春深未識花昔人竒絕處八月解  
乘槎

往歲經游地寒蕪碧燐深雲開山後陣水咽隴頭  
吟雪白羶房重天青羽檄沉重華新雨露悲喜候  
車音

名酒 虞集

名酒不可得幽華誰送來秋霜垂鬢髮夕照在樓  
臺盡日山公醉何年庾信迴喚人吹玉笛移席坐  
蒼苔

題秋山圖 虞集

峯迴留深隱天清襲素袍棲身斷人蹟游目送鴻  
毛樹挂栖厓鷲藤懸飲子孫龍眠石澗冷虎撼樹



根牢木客吟時共山樵奕處遭浮雲過水盡孤月  
挾霜高羽使來三島胎仙舞九臯左招玉斧飲右  
攬赤松邀空色收寥廓虛聲起繹騷彈琴遺古散  
載酒棹輕舸遂向圖中見誰能世外逃乘槎幾月  
至一泛九秋濤

送國王朶而只之遼東

虞集

太祖收中夏元臣有武功建邦開土宇為位冠君  
公奕世王章在諸孫相業隆春秋周正月禮樂魯  
新宮鹿弊金遺耐熊侯筭失中河山仍鐵券寶玉  
若琬弓投筆鄒枚秀揚旂芮綰雄寒雲依碣石凍

雨灑遼東戎器橐藏盡賢書奏納同大夫勞勳御  
惇史采民風

朝迴即事

虞集

宮樹春陰合霓旌拂曙來天光臨閣道雲氣轉蓬  
萊晝漏沉沉鼓晨尊灑灑盃香霏簾底霧樂隱殿  
前雷祥瑞儀曹奏珍淳尚食催舞廷分鷺序效獻  
過龍媒融雪微生草輕風不動埃老人南極至王  
母上方迴玉色何多喜金華得重陪裁詩賀朝雨  
西閣待門開

石田山居

馬祖常

甲子人愁雨河田麥已丹歲凶捐瘠衆天遠禱祠  
難賈客還沽酒王孫自飽飡更憐鰲面黑征戍出  
桑乾

積雨衣裳濕愁人是麥田泥將深沒馬霧欲墮飛  
鳶爨火勞薪盡家居老屋穿墻根雜蛙蚓擬買繫  
籬船

光山楓製錦潢浦荻飛綿林熟何論酒魚來不計  
錢卜隣多野老求藥有神仙爲客留羨筍清晨步  
石田

四月淮天雨清林蔭碧池筍香隣菴酒禽響客心

某田鼓春迎社鄉巫夜寒祠漸知飄泊久自思  
農師

無麥夫何極吾憂隴畝空豈能驅盜賊得忍鬻兒  
童茶蓐充腸熟樵蘇救口窮無端縣小吏召役到  
疲癯

作客何多意淮南即是家自牽蘿屋小不正葛巾  
斜書嬾眠尤熟詩來酒更賒春天雲嫵媚相對坐  
鷗沙

竟日無賓主山房一秃翁竹光浮畫碧花藥颺春  
紅田父分雞桀隣僧與鶴籠時行親杖屨未覺坐

書空

淮南窮僻地先世有林廬花曙鳴山鳥芹春躍岸  
魚鼓琴仙度曲鍊杏客傳書朋舊如相覓體嗔禮  
法踈

郎中蘇公哀挽

馬祖常

墓門翁仲泣秋草九原深身世書盈屋鄉園樹滿  
林故人多執紼令子蚤冠簪曾作陽關曲今成薤  
露吟

癸酉除夕

劉汶

此夕何多感明朝過六旬乾坤又元統人物少咸

淳酒厭山杯淥梅傷水國春燈前曾戲綵馬首一

沾巾

早春述懷

劉汶

春與年年別窮隨日日增眼明貪夜讀事少忘晨  
興倦鳥猶遷木潛魚已陟冰栖遲唯故轍無夢到  
飛騰

七言律詩

杏花落後分韻得歸字

元好問

懶髓能醫病頰肥鸞膠無那片紅飛殘陽淡淡不  
肯下流水溶溶何處歸煮酒青林寒食過明粧高

燭賞心違寫生正有徐熙在漢苑招龜果是非

長安感懷

楊奐

此心直欲作東周再到長安已白頭往事無憑空  
擊楫故人何處獨登樓月搖銀海秦陵夜露滴金  
莖漢殿秋落日酒醒雙淚眼幾時清渭向西流

洛陽懷古

楊果

洛陽雲樹鬱崔嵬落日行人首重回山勢忽從平  
野斷河聲偏到故宮哀五噫擬逐梁鴻去六印休  
驚李了來惆悵青槐舊時路年年無數野棠開

南京遇山樓

劉祁

倚天突兀聳高樓樓上人家白玉鈎落日笙歌迷  
汴水春風燈火似揚州仙人已去名空在豪客同  
來醉未休獨倚朱闌望明月鸞旌依約認重游

戊辰冬赴試西京

王革

慣擊蒼龍曉漏鍾受恩曾入大明宮香浮扇影迎  
初日人逐鞭聲靜曉風轉首俄驚成異世此身雖  
在已衰翁喚回五十年前夢再著麻衣待至公

題劉京叔歸潛堂

薛玄

獨構茅堂養道真滿前俗事罷紛紜磻溪夜釣波  
心月汾曲春耕隴上雲長笑熊羆勞應夢肯教猿

鶴怨移文近來傳得安心法萬壑松風枕上聞

秋思

杜瑛

壯心忽忽劇懸旌秋氣能令客子驚白鴈不聞雲  
外過清霜先向鬢邊生銅駝巷陌周東土金鳳樓  
臺鄴北城千古繁華俱一夢空餘草木戰風聲

和家弟誠之詩韻

段克己

欲歸誰不遣君歸却恨歸來事事違烽火未休家  
信少山川良是故人稀黃金入手還能散白雪盈  
頭不肯飛試問春愁都幾許長江滾滾日暉暉

雨後漫成

段成己

羈思紛紛不易裁晚涼扶病獨登臺翩翩幽鳥避  
人去殷殷輕雷送雨來已拚此身閑裏老且將笑  
口酒邊開安車待聘非吾事休作姑山隱逸猜

七月望日思親

許衡

思却千思與萬思音容無復見當時草牕夜靜燈  
前語蔬圃春深膝下嬉將為百年供色養豈期一  
日變生離太山為礪終磨盡此恨綿綿未易衰

燕城書事

魏璠

山勢回環西北高強燕自古出英豪地連雲朔偏  
宜馬入襲衣冠盡帶刀塵暗玉樓無鳳宿雲埋金

水似龍韜可憐一片繁華地空見春風長綠蒿

送魯齋先生南歸

張易

袞袞諸公入省闈先生承詔獨南歸道逢時否貧  
何病老得身閑古亦稀行色一杯燕市酒春風三  
月故山薇到家已及蠶生日布穀催耕隴麥肥

聞家大參南歸

林景熙

濱死孤臣雪滿顛冰疆齧盡偶生全衣冠萬里風  
塵老名節千年日月懸清唳秋荒遼海鶴古魂春  
冷蜀山鷓歸來親舊驚相問禾黍離離夕照邊

挽文丞相

徐世隆

大元不殺文丞相君義臣忠兩得之義似漢皇封  
齒日忠於蜀將斫頭時乾坤日月華夷見海嶺風  
霜草木知只恐史官編不盡老夫和淚寫新詩

次范藹莊韻

宋衙

家近西湖六月涼蘭舟桂醕爰荷裳海門潮上波  
濤壯天竺風來草木黃今日悲秋哦楚些它年著  
論辯吳亡君才位置聞人說宜待詩仙七寶牀

過鄉縣西方古故居

劉因

古金大定間人嘗舉進士不第遂歸獨居一室置  
琴書其側不妄與人交縣令佐公服候門亦以遜

辭謝遣之有田數十畝食其所獲如菽熟惟食菽  
鄉人好事者欲以米易之不聽曰是天所食者不  
可易也監察御史按行郡邑按其行上之不報其  
爲人蓋亦近於聖學之所謂狷史家之所謂獨行  
者歟先父每舉以律鄉人之貪鄙者故鄉人至今  
能道之古死無後其立壠已爲樵牧區今過其居  
亦莽焉荆棘中矣不覺感歎夫發潛德而紀先賢  
實後生之責也顧力未能焉姑題詩以紀先父之  
訓云

名姓初聞自過庭山田力食老窮經鄉間月旦歸

公論著宿風流尚典刑感事重吟鳧繹集懷賢誰  
築聘君亭還家游子悲千種念舊思親淚最青

晚眺

劉因

巖姿濃淡似吾詩雲點青山學鬢絲老樹遺臺秋  
最早斜陽流水鳥偏遲無人能解此時意如我曾  
來前古誰本爲登臨解陶寫豈知搖落更堪悲

易臺

劉因

望中孤鳥入消沉雲帶離愁結暮陰萬國河山有  
燕趙百年風氣尚遼金物華暗與秋光老杯酒不  
隨人意深無限霜松動巖壑天教搖落助清吟

望易京

劉因

亂山西下鬱宮堯還我燕南避世謠天作高秋何  
索寞雲生故壘自飄蕭誰教神器歸羣盜只見金  
人泣本朝莫恠風雷有餘怒田疇英烈未全消

不肖海南鳥

劉因

越鳥群飛朔漠濱氣機千古見真純紇干風景今  
如此故國園林亦暮春精衛有情銜太華杜鵑無  
血到天津聲聲解墮金銅淚未信吳兒是木人

朝回再次楊司業韻

吳澂

風吹仙樂下瑤臺閭闔中間翠輦來雲擁紅光十

丈遠日行黃道九天開百官星拱環金闕萬壽聲  
迴進玉盃共覩太平新氣象四方犴獄長春苔

代祀南嶽登祝融峯

趙世延

天風吹我躡雲根一覽群山蟻垤紛瀛海波翻初  
日上石壇人語半空聞炎荒作鎮荆吳遠元氣流  
形天地分何日束書煨芋室孤峰絕頂看浮雲

駕畋柳林隨侍

陳益稷

仙仗平明擁翠華景陽鐘發海東霞千官捧日臨  
春殿萬騎屯雲動曉沙白鷁鞞翻山霧薄黃龍旗  
拂柳風斜太平氣象民同樂南北梯航共一家



題許仲仁詩卷

程鉅夫

殘雪詞林退食時  
小牕開卷鬢如絲  
音傳正始誰  
同調氣逼元和  
稍自持文字  
不隨前輩盡風流  
却許後人知  
霜清日冷  
梅花瘦  
獨對爐熏  
看欲癡

岳陽樓

梁曾

樓前秋水健帆開  
樓上涼風舞袖迴  
萬里舟航通  
鳥道四時雲雨護  
龍堆江山如此  
不一醉歲月幾  
何能再來  
欲問老髯求  
鐵笛月中吹  
上紫荆臺

題麻姑壇

郝天挺

路入雲關仙境佳  
瓊田瑤草帶烟霞  
貯經洞古無

遺檢養藥爐存  
尖舊砂青鳥不傳  
金母信紫鸞應  
返玉皇家巖扉  
不掩春長在開  
盡碧桃千樹花

都門春日

李材

綺陌香塵逐玉珂  
形樓花暗弄雲和  
光風已轉瀛洲  
草細雨微生太液  
波月榭管絃鳴曙  
早水亭簾幕受寒  
多少年易感傷春  
思喚取青娥對酒  
歌

禁城秋夕

李材

絳宮星淡海無波  
九陌猶聞動玉珂  
閭闔微雲蔽  
夕漏建章明月桂  
秋河此身天地流  
萍遠故國關山  
落木多欲聽鈞天  
塵夢隔紫簫吹盡  
桂婆娑

山谷元日賀裴都事朝迴

李材

海上瓊樓接五城人間歌吹近蓬瀛雲移豹尾旂  
旗動日射螭頭劔佩明拜舞盡隨仙仗入退歸遙  
認玉珂鳴欣欣百草含春意得傍東君暖處生

壽杜侍御

李材

黃閣老臣踵夔咎法冠蒼佩陪霓旌入龍委蛇捲  
春雨一鶚搏控明秋毫華勲玉冊耀天府雄章銀  
筆翻雲濤舉觴獻壽碧桃晚南極正與文星高

和王御史春詩韻

李材

鶯啼燕語花漸稀天明海碧涵晴暉洛陽臺榭春

色在山陰衣冠昔人非夢雲何處讌瑤席舞雪誰  
家裁紵衣獨有倚闌無限思迢迢煙草暮鴻飛

送省郎楊耀卿使雲南

李材

飄飄使節出金閨郭隗臺前暫解携天入五溪無  
鴈到地經三峽有猿啼子雲舊里風煙在太尉家  
聲日月齊後夜客槎何處望秋河迢迢碧雲低

席上賦老松惟栢圖

李材

仙人解衣盤薄羸造化慘澹秋毫端枝柯千仞入  
層漢笙籟萬壑鳴驚湍堂中日月不可老壁上雷  
雨何時乾我來醉卧北窻下夢跨黃鵠天風寒

次韻荅友見贈

安熙

高山流水趣何深萬古千秋一素琴白石清泉成  
雅志光風霽月負初心伏龍應羨雲生谷獨鶴不  
驚鴉滿林無用楚夫宜揣分商家元自有甘霖

留別都城諸公

李京

蒼龍雙闕鬱岩堯曾侍鸚鵡赴早朝往事已隨塵  
滾滾虛名贏得鬢蕭蕭長林豐草空相憶瘴雨蠻  
煙苦見招借問都門門外柳為誰留著最長條

國朝文類卷第六

